

Èfèsò

ǒ pbàkrístò tò Pòlò andí bhàruwà

Yàrí bhàruwà ò ì nòtù ádrùndrǒ dhu tí dhu

Kas 19.1-41; 20.17-38 ò ka kózùna dhu ní Pòlò adí Àziyǎ-Ngba tó pbìrì ǒ ádrùngbǎ kígò Èfèsò ǒ ìbhù ató tí dhu. Kòmbí ka karí ndì pbìrì àtì Tùrùkiyà tí. Kǎdì ndì kígò ǒ ndíní ndì ndunò tí Ídzi Màkùrù. Ní olù nyú, mbèmbè iwà azà kumì ató údà Yèsù ka kùgù dhu-dzidǒ rórò, kǎndí yàrí bhàruwà imbi ò ndì ndí'ì Ròmà tó kígò ò rórò (Èfè 3.1; 4.1; 6.20) Èfèsò ǒ rí'ì kànìsà mà, kǎ-gì rǒ rí'ì kóró kànìsà mànà tò (Upf 1.11). I kànìsà ǒ ábhǒ pbàkrístò ní'ì ìnzí ní Pbayàhúdì.

Pòlò azè ndìtè Èfèsò ǒ pbàkrístò tò dhu ní iwà Kàgàwà údhè ndì ndónzina dhu tí dhu. Wemberè tí ní, Kàgàwà ózè ndìlì yà ndì ndanzì kóró dhu-tsí yà adzì ǒ arí'ì mà, òrù-akpà ò arí'ì mànà atdí ale kèlè, Krístò, rònnyè idzi dòyá.

Ɔyò rí kisè ní, Pòlò azè pbàkrístò ròkò atdínga ǒ, àdhàdhì yà fíyó ípìrǒnga-òwúta Yèsù Krístò bhà ale tírò nónzì ka dhu bhèyi.

Pòlò níidiyì kàrí ìbhù ófò, ndíní Yèsù ná'ù ale núgèrè ì 'òngò atdí ale nyú tí Kàgàwà tò dhu nitè tí: yà ní, Kànìsà arí'ì àdhàdhì ale-ngbò bhèyi, Krístò ràdù ì'ì ndì ale-dò dhu, Kànìsà arí'ì àdhàdhì idza bhèyi, Krístò ràdù ì'ì ndì idza-pbidò òdò arí odu dhu, ndìrò ní Kànìsà ní Krístò bhà tsìbhàle bhèyi dhu.

Ndì dhu bhèyi ní ndì, dhu àkàná pbàkrístò rùngbò ì, 'òkò atdíkpá fíyó Ádrùngbàle Krístò mànà.

Bhàruwà-nyitì ka kóhù tí dhu

- Pòlò rǐ Èfēsò tó kīgò ǒ pbàkrístò nóvì dhu (1.1-2).
- Krístò-otù ǒ Kàgàwà rǒnzìna pbìndà alɛ tò ídzinga (1.3-3.21).
- Kàgàwà únzì alɛ nǐ anzita nà àkǎ ófò ǒ dhu àkǎ kokò dhu (4.1-6.20).
- Pòlò rǐ pbàkrístò òvì bhàrwà rǐku dòná rò ovìta nǐ dhu (6.21-24).

Pòlò rǐ Èfēsò tó kīgò ǒ pbàkrístò nóvì dhu
(Kas 18.19-21; 19.1-7; 20.17)

¹ Yàrí bhàrwà nàndǐ ní ìma Pòlò, yà Kàgàwà nyú azè rǐrǐ Yèsù Krístò bhà uvitatáɛ tí alɛ. Ma màndǐ dhu yà Èfēsò tó kīgò ǒ aróko Kàgàwà bhà alɛ, yà Yèsù Krístò mànà ì úngbò ì nǐ fǐyó ungbòta ǒ íkò pótsó alɛ tò. ² Àlě t'Ábanà Kàgàwà mà, àlě tó Ádrùngbǎɛ Yèsù Krístò mànà nákǎ 'àso nyǐ, 'àdù nyǎbhù nyòkò màrùngà ǒ affku ò.

Krístò-otù ǒ Kàgàwà rǒnzìna pbìndà alɛ tò ídzinga
(Ròm 8.15-17,28-30; 2TÈ 2.13-14; 2Tì 1.9-10)

³ Dhu àkǎ àlě rìlè Kàgàwà, àlě tó Ádrùngbǎɛ Yèsù Krístò t'Ábanà! Ka ní ndì àlě'ì náso òrù-akpà ò rò ìrà alɛ-afí tó kóró asota-tidò nǐ, Krístò mànà àlě kúngbò àlě dhu-otù ǒ. ⁴ Inzá ndì ndàpè yà adzi ònzì rórò, Kàgàwà náavò àlě, àlě rǐrǐ pbìndà alɛ tí Krístò-nyútsì. Kǎnzì ndì dhu ndí nǐ àlě koko tí ìlǐlǎ alɛ tí onzìná, ndírò ìmbǎ nzéɛ dhu tí ka kózzùna onzìná dhu rǐrǐ nyuyatsì alɛ tí, ndì ndóze àlě dhu-okú dò rò. ⁵ Kàgàwà náapì àlě mùhàngú ò rò, àlě rǐrǐ pbìndà inzo tí Yèsù Krístò-otù ǒ. Kǎnzì dhu ndì dhu bhěyi àdhàdhì ndì nyú ndì ndóze ka dhu bhěyi. ⁶ Nírò, àlě kàkǎ àlě rìlè Kàgàwà yà àlě tò kǐbho pbìndà ídzinga tó ádrùngbǎnga-okú dò rò. Kǐbho ka tǐròrò, yà atdíð ò ndì ndazè Idhùnà-otù ǒ.

⁷ Krístò-azù-otù ŏ, Kàgàwà nùukòlò àlě'i nzére dhu ŏ rò, ndàdù àlě tó nzérenga nùbà àlě tò. Ndi dhu bhèyi ní ndi, Kàgàwà níitè p̀b̀indà ídzìnga tó ábhǒnga àlě tò, ⁸ ndìbhò dhu-ǒnga t'òvòta mà, àkǎkǎ inga t'únita mànà àlě tò. ⁹ Kǎbhù àlě r̀ǹni òdhù ò ndi ndudhé dhu. Ndi dhu kùdhé angyangyi p̀b̀indà ídzìnga ŏ ndi ndonziya tí Krístò-otù ŏ. ¹⁰ Ndi Kàgàwà udhé dhu ní, yà ndi ndakò kàsùmì ŏ, ndi r̀r̀r̀ yà ndi ndabhòlò kóró dhu-tsí, kǎkǎ òr̀ù-akpà ò arí'ì mà, yà adzi ŏ arí'ì mànà-tsù núndù, Krístò r̀ǹnỳ idzi d̀ỳỳ.

¹¹ Ndirò Krístò-nyutsi, Kàgàwà níibho wà yà ndi ndudhé mà moko tí kàmàna tí dhu fǎkà, ndòvò mà angyangyi yà ndi nyù ndi ndudhé ka dhu bhèyi. Kǎnzì kóró i dhu, àdhàdhì ndi ndudhé ka ndirò ndi ndazè ka dhu bhèyi. ¹² Nírò, yà wemberè t'ále tí mà mi'ì Krístò dǒ atdyúya níli ale tí rò, mà màkǎ mìlè Kàgàwà bhà ádr̀ngbǎnga tó awáwù.

¹³ Nyí mà átò, nyí nyitdègu obhóngà tó màk̀r̀r̀ ìri, ní nyí nyadù Krístò ná'ù. Ndi màk̀r̀r̀ ní Kàgàwà bhà Ídzi Màk̀r̀r̀ yà òg̀ù nibho f̀k̀k̀. Ndirò, Kàgàwà adù ìlìlǎ-Alafí yà ndi ndakò f̀ndá làkǎ níbhò f̀k̀k̀, r̀r̀r̀ p̀b̀indà ale tí nyí nyí'ì dòtsí dhu ìtè r̀r̀ p̀b̀indà ize tí. ¹⁴ Wò ndi ìlìlǎ-Alafí ní ndi r̀r̀ dhu ìtè àlě rabáya ongyéngá*, yà p̀b̀indà ale tó Kàgàwà akò f̀ndá làkǎ ongyéngá nzínzi ŏ. Àlě kabáya ka Kàgàwà r̀r̀ àlě'i nùwù dòtsí nzérenga ŏ rò nínganí. Nírò, àlě kǎkǎ àlě r̀lè Kàgàwà bhà ádr̀ngbǎnga tó awáwù.

Pòlò r̀r̀ ndi'tsò Ěfesò tó kigò ŏ p̀b̀akrístò dǒ dhu
(Fìl 2.9-11; Kòl 1.3-6,9-13,18-19; 1PÉ 1.3-4)

* 1:14 1.14 Ndi ongyéngá ní òg̀ù mà, dhòdhódhóngà tó ìpìrǒnga mà, ng̀k̀pà dhu-tsí mànà.

¹⁵ Kàgàwà ònzì dhu-okú dò rò ní ndi, yà ma mírìná nyí nyá'ù Ádrùngbàle Yèsù tí dhu mà, nyí nyòzè Kàgàwà bhà ale kóró tí dhu mànà rò, ¹⁶ ma mání nyírè pbàkà ìtsòta ǒ, ndirò ma mání nzí mingyě òtsò àbhù ma mí Kàgàwà tò okúku dò rò rò. ¹⁷ Ma mí mitsò yà ádrùngbǎnga tó awáwù nà arí'ì àlě t'Ábanà, àlě tó Ádrùngbàle Yèsù Krístò bhà Kàgàwà rò, ndíní dhu-ǒnga t'òvòta tó pbìndà Alafí nabhù tí fùkù. Ndi Alafí rí Kàgàwà ìtè fùkù, ndàdù àbhùnà nyùni mbèyi nyú. ¹⁸ Ma mí mitsò Kàgàwà rò, ndíní fùkù ìrèta-nyìkpó nungbe tí. Ndi dhu bhèyi ní ndi kúnzi nyí ndíní nyí nyùni tí yà nyí nyùli atdyúku dòyá dhu, nyádù yà pbìndà ale tò kǐli dhu-tsí tó ùyùya ongyéngá núní. ¹⁹ Ndirò, nyí nyí ìngbà dhu bhèyi màtí kàbhà ádrùngbǎnga tó ɔbi náarí'ì ádrùngbǎ nyú àlě tò dhu núní, yà ka àlě ká'ù rò. Ndi pbìndà ádrùngbǎnga tó ɔbi Kàgàwà ìtè ɔbi nyú nà, ²⁰ yà Krístò ndi ndabhù rìngbè ndi ɔve-bvù rò, ndàdù àbhùnà ràdi pbìndà fangà dònǎ rò òrù-akpà ò òná kàsùmì ǒ. ²¹ Anyì nga ní ndi, Kàgàwà ìli Krístò kóró màlàyíkà mà fiyó kámá mànà dǒ, yà ádrùngbǎnga tó ɔbi nà arí'ì kóró ale dǒ, ndirò kóró ádròdrǒ pbákámá dǒ. Ndirò Kàgàwà ìli ka kóró ɔvo, yà ɔvo ka kádù òvòná kòmbí màtí, ndirò olù màtí ka kòvoya dǒ. ²² Kàgàwà ábhù wà Krístò ròbè kóró dhu-tsí-dò, ndàdù kǐli rí'ì Kànìsà-dòtsirò tí. ²³ Kànìsà ní Krístò-ngbò. Krístò aradí ngbùlùna nyú nà Kà-nyùtsi, Kàgàwà ràdù àdi ngbùlùna nyú nà Krístò-nyùtsi.

2

Kàgàwà bhà ìdzinga-okú dò rò àlě kugù dhu
(Kòl 2.12-13; 3.1-3; Tit 3.3-8)

¹ Angyi, nyí ni'ì iwà úve ale Kàgàwà-nyìkpó ǒ, fùkú afátá mà fùkú nzÉrenga mànà-okú dò rò. ² Nyí nyongónà òko òná ófò náafò ndì yà adzi ǒ ale náaróko òná ófò nà. Nyí nyífú awe ǒ aróko nzÉre-alafí ǒ ádrùngbàle, yà kòmbí idzi nónyè kàkà ìnzí arí Kàgàwà-tsù dhu ìri ale dǒ. ³ Angyí, àlě'ì kóró, àlě ki'ì átò abádhí bhěyi. Àlě kongónà òko àdhàdhì yà àlě kí'ì nà ìndrù tó ófò rí atdyúya òho dhu bhěyi, àlě ràdù àmbe dhu ònzì dǒ àdhàdhì àlě-afí mà àlě-ngbò mànà nózè ka dhu bhěyi. Ndi ófò ǒ àlě karóko dhu-okú dò rò, àlě'ì ni'ì iwà dhu ípfo ngùkpà ale bhěyi tí, ndíní Kàgàwà itdì tí àlě-ànyá pbìndà nàwí ǒ ale.

⁴ Pbétù, Kàgàwà bhà izu náarí'ì ádrùngbà nyú ìndrù tò. Kòzè àlě atdíǒ. ⁵ Yà àlě ki'ì iwà àlě kúve Kàgàwà-nyìkpó ǒ àlě tó afátá-okú dò rò ale rórò, kàbhù àlě, àlě rí'ì ípirǒnga nà atdíkpá Krístò mànà. Ní Kàgàwà níngú nyí pbìndà ídzinga ǒ. ⁶ Yèsù Krístò mànà àlě kúngbò àlě dhu-otù ǒ, Kàgàwà ábhù àlě rùngbe àlě òve-bvù rò atdíkpá Krístò mànà, ndíní àlě konyuya tí idzi atdíkpá kà mànà òrù-akpà ò. ⁷ Ndi àlě tò ndì ndanzì Yèsù Krístò-nyutsì ídzinga-otù ǒ, kàzè nditè idho rí ìndrù ùkǒ ní pbìndà ídzinga tó ádrùngbànga olunà rò rírà kóró ato ǒ. ⁸ Obhó tí, nyí nyúgu Kàgàwà bhà ídzinga-okú dò rò a'uta-otù ǒ. Wò ndì ògù náhu nzá nyí nyónzì dhu-okú dò rò, pbétù ka ní Kàgàwà bhà pèrè. ⁹ Ìnzí ní kàsùku-okú dò rò dhu ndi, akye atdí ale mà náarana àdì ndàmbe ndòyò dǒ ní. ¹⁰ Obhó tí, àlě'ì ní Kàgàwà-òtsù-tsíró kasu, ndirò Yèsù Krístò mànà àlě kúngbò àlě dhu-otù ǒ, Kàgàwà anzì àlě ndíní àlě kongó tí ídzi dhu ònzì. Í ídzi dhu ní yà angyangyi Kàhù nyíya-tì, ndíní àlě kongó tí ònzìnà dhu.

Krístò-nyutsì ìndrũ rĩ̀ì atdí ale tí dhu

(Kòl 1.20-22; Ěbr 10.19-22; 1Pé 2.4-7)

¹¹ Nírò, nyìrè pé ìngbà dhu bhěyi ale-tidò màtí nyĩ nyìì angyí dhu. Onzìyànga ka kóbhòlò dhu-okú dò rò, Pbàyàhúdí arí nyàtì ìnzá ka kóbhòlò onzìyànga ale tí. Pbétù, abádhí aróte yà irinà rò ìndrũ arónzina ròyá ize dǒ tí. ¹² Wò ndi kàsùmì ǒ, nyĩ nyuni nzá Krístò. Nyĩ nyìì olo tí Kàgàwà bhà ale, Pbàisràyéli nzínzi ǒ. Kàgàwà mà núngbò ì pbìndà ale mànà, ndàdù ndi ndonziya dhu tó làkà nókò abádhí tò ndi ungbòta-nyutsì. Pbétù nyĩ nyìì olo tí ndi ungbòta ǒ. Nyĩ nyìì mbà yà adzi ǒ nyĩ nyádù òdònà nyĩ nyabá tí dhu nà, ndirò nyĩ nyuni nzá Kàgàwà. ¹³ Pbétù kòmbí, yà Yèsù Krístò mànà nyĩ nyúngbò nyĩ dhu-otù ǒ, nyĩ, yà itse nyĩ nyìì angyi Kàgàwà rǒ rò rò, nyĩ nyìì íkyèrǒ Kàgàwà-tí, yà ndi nufu okúku dò rò Krístò-azù-otù ǒ. ¹⁴ Obhó tí, Krístò nyú nditírò ní ndi màrùngà nibho àlě tò. Kǎbhũ Pbàyàhúdí mà ìnzì ní Pbàyàhúdí mànà ròngò atdí pbìrì ǒ ale tí. Yà ndi ndabhù ndi nditírò ove tò dhu-otù ǒ, kũgolo wà abádhí nzínzi-ǒnga nutu, ndabhũ rĩ̀ì òmvũ tí imvú. ¹⁵ Àbadhi núugolo Músà bhà Uyátá mà, ì Uyátá arávina ka konzi tí dhu mà, kǎròzèna kifũ dhu mànà, ndínĩ ndi ndabhù tí kǒkò Pbàyàhúdí mà ìnzì ní Pbàyàhúdí mànà ròngò atdí pbìrì ǒ ale-owútá tí, ndi mànà abádhí ùngbò ì dhu-otù ǒ. Ndi dhu bhěyi ní ndi, Kíbho màrùngà abádhí nzínzi ǒ. ¹⁶ Mùsàlabhà dǒ ndi ndòvè dhu-otù ǒ, Krístò náandu abádhí-tsù ròngò atdí ale-ngbò tí, ndàdù abádhí ùngbò Kàgàwà nà. Ndi mùsàlabhà-otù ǒ, Kítò abádhí nzínzi ǒ ì òmvũ. ¹⁷ Krístò ìra màrùngà tó Ídzi Màkũrũ núnò, nyĩ ìnzì ní Pbàyàhúdí, yà itse nyĩ nyìì Kàgàwà rǒ rò tò, ndirò Pbàyàhúdí, yà íkyèrǒ ì ì Kà-tí tò. ¹⁸ Obhó tí, Krístò-otù ǒ nga ní ndi, àlě'ì Pbàyàhúdí mà ìnzì ní

Pbàyàhúdí mànà, àlě kádù òwu ùvò àlě t'Ábanà-ònzǐ yà atdí tí aríì ìlǐlǎ-Alafí-otù ǒ.

¹⁹ Nírò kòmbí, nyǐ, ìnzǐ ní Pbàyàhúdí tírò, nyǐ ní nzǐ olo tdítǒ ndírò nyǐ ní nzǐ ìwǔ tí íwǔ vurò ngari ò rò ale. Pbétù kòmbí, nyǐ nyóngò wà pbìrì ǒ ale nyú tí, atdíkpá Kàgàwà bhà ale mànà, ndírò nyǐ nyóngò wà atdí idza ǒ bhà tí Kàgàwà bhà ale mànà. ²⁰ Àdhàdhì odu nǐ ka kósì idza bhěyi, nyǐ mà átò, nyǐ ní idza ka kórù nǐ odu. Uvitatále mà pbànábí mànà ní ndi idza-pfò ka kórù nǐ odu, ndírò Yèsù Krístò nyú ndìtìrò ní ndi ndi idza-pbidò òdò rí ádrùngbǎ odu. ²¹ Ndi Krístò ní ndi, idza ka kósì nǐ odu nábhù arí rùpbǎ ì atdíkpá, ndi idza ràdù òtrò, ràrà àhù Kàgàwà-nyìkpó ǒ ìlǎ Kàbhà idza, yà Kàràdì òná tí. ²² Krístò mànà nyǐ nyúngbò nyǐ dhu-otù ǒ, nyǐ, nyǐ nyúngbò wà nyǐ átò atdíkpá kóró ngùkpà ale mànà, nyǐì Kàgàwà arádi òná ngari tí, Kàbhà ìlǐlǎ-Alafí-otù ǒ.

3

Pòlò anzì ìnzǐ ní Pbàyàhúdí nzínzì ǒ kasu

(Èfē 1.9-10; Kòl 1.24-29; 1Pé 1.10-12)

¹ Wò dhu-okú dò rò ní ndi, ìma Pòlò, ma marí mitsò Kàgàwà rǒ dükú. Ma marí ìmbi ò Yèsù Krístò tò ma marí kasu ònzì, mambē Ídzi Màkùrù núnò dǒ fùkù nyǐ ìnzǐ ní Pbàyàhúdí tò dhu-okú dò rò. ² Obhó tí, nyǐ nyírì wà dhu mběyi nyú, pbìndà ídzìngà ǒ, Kàgàwà ríbhò wà fùkù ma mádù ònzìnà kasu fudú. ³ Kàgàwà ítè ndì idù, ndínì ma múnì tí yà òdhù ò arádi ndì ndudhé ndínì ndì ndonziya tí dhu. Ní ma mándì wà dhu ake tí fùkù ndi dhu dǒ. ⁴ Nyǐ nyapé ì andítá nózù, ní nyǐ nyádù ìngbà dhu bhěyi màtí ma múnì Krístò dǒ dhu yà òdhù ò arádi núnì ùnì. ⁵ Angyí, Kàgàwà níitè nzá wò ndi òdhù ò arádi dhu ìndrù tò. Pbétù kòmbí, kǐtè ka pbìndà ìlǐlǎ uvitatále

mà, pbìndà ìlìlǎ pbànábí mànà tò, pbìndà ìlìlǎ-Alafí-otù ǒ. ⁶ Ndirò, wò ndi òdhǔ ò arádi dhu-tì ní: Ídzi Màkǔrù-otù ǒ, ìnzì ní Pbàyàhúdí mà rabáya Kàgàwà apì pbìndà alɛ tò asota atdíkpá Pbàyàhúdí mànà. Abádhí nóngò wà atdí alɛ-ngbò-rǒnga tí, ndirò abádhí nábà wà yà Kàgàwà akò fìndá làká Yěsù Krístò-otù ǒ dhu-tsí átò.

⁷ Kàgàwà ìlì ma mìì Ídzi Màkǔrù-kàsǔ t'ále tí, yà pbìndà ádrùngbǎnga tó ɔbi nǐ ndi ndíbhò idù pbìndà ídzìnga tó pɛrɛ-otù ǒ. ⁸ Ima ní ìmbǎ tǐna nà alɛ nyú Kàgàwà bhà alɛ nzínzì ǒ kóró. Pɛétù, Kàgàwà bhà ídzìnga ní ndi ma nábhu mongò Krístò bhà asota nówò ìnzì ní Pbàyàhúdí tò. Ndi asota ní yà ìnzì fìndá ádrùngbǎnga rǐ ndùní. ⁹ Kíbhò ma mí ndi ndarí òdhǔ ò arádi dhu àbhǔ rǎká tí dhu ɔvo ma mí awáwù ǒ kóró alɛ tò nǐ ídzìnga átò idù. Ndi Kàgàwà, yà kóró dhu nanzì alɛ, náarù wò ndi ndi ndudhé dhu róngò àdì òdhǔ ò nyunatsi dhòdhódhonganà, ¹⁰ ndínǐ kòmbí Kànìsà-otù ǒ, kóró màlàyíká mà fìyó kámá mànà núuni tí dhu Kàgàwà rarí dhu-ǒnga òvò dhèdhèrò ǒfò ǒ. ¹¹ Kàgàwà ábhù ndi dhu rǎká àlɛ tó Ádrùngbǎlɛ Yěsù Krístò-otù ǒ, yà ròpè ndi mùhàngú ò rò ndi ndudhé ka dhu bhèyi. ¹² Yà Yěsù Krístò mànà àlɛ kúngbò àlɛ dhu-otù ǒ, ndirò ka àlɛ ká'ù dhu-otù ǒ, àlɛ kábà wà ìmbǎ àlɛ-tsù ùtò rí dhu rǐ'í rórò àlɛ kádù òwu ùvò Kàgàwà-ònzì a'uta nyú nà òná otu. ¹³ Nírò, ma mìtdè nyǐ ìtdè tí, àpé nyàbhù afíkù rìngyě ndi, yà okúkù dò rò ma mábàna àpè nǐ, ndi àpè ní ndi ádrùngbǎnga tó awáwù nábhu rí fúkù nídhunǐ.

Pɔlò rǐ ndìtsò Ěfesò tó kigò ǒ pbàkrístò dǒ dhu

¹⁴ Wò dhu-okú dò rò ní ndi, ma mòkò ma ɔtdyùdu dǒ Àba Kàgàwà-ònzì. ¹⁵ Àbadhi ní ndi kóró rùgànda-tsù yà òrù-akpà ò arí'í mà, yà adzi dǒ arí'í mànà t'Ábanà, yà abádhí dǒ arí ɔvo ùvǒ alɛ. ¹⁶ Ma mí mìtsò Kàgàwà

rõ, ndíní nyí nirá tí nyukutsì nă rò pbìndà ìlìlǎ-Alafí tó ádrùngbǎnga tó obi nǐ, pbìndà ádrùngbǎnga tó awáwù tó ábhǒnga-bvù rǒ. ¹⁷ Ma mí mítsò, ndíní Krístò ongó tí àdi afíkù ò a'uta-otù ǒ. Ma mí mítsò átò, ndíní nyí nyí'ì tí ivéya ódì ì, 'àdù iko àzè dǒ ale tí. ¹⁸ Ndi dhu bhèyi ní ndi, nyí, yà atdíkpá nyí nyí'ì mànà Kàgàwà bhà ngùkpá ale mànà, nyí nyádù Krístò bhà àzè tó íhùnga mà, kà tó ádzínga mà, kà tó ádzínga ràrà ɔwù mà, kà tó ádzínga ròfò obvò mà núnì. ¹⁹ Ma mí mítsò, ndíní nyùnì tí Krístò bhà àzè, yà kóró ale tó inga t'únita dònǎ ósè àzè. Ndirò ma mí mítsò ndíní Kàgàwà bhà dhu tí arí'ì kóró dhu ní'ì tí fùkù dhu tí átò.

²⁰ Kàgàwà arí kasù ònzi àlě-nyùtsì pbìndà ádrùngbǎnga tó obi nǐ. Ndirò Kà-fó àlě kònzì dhu rò, Kà rǐ'ì inè ndònzì ka abhò nyú ròsè. Obhó tí, Kàbhà ádrùngbǎnga tó obi nósè wà àlě kádù ìrènà kóró dhu dònǎ. ²¹ Dhu àkǎ àlě rilè Kàgàwà Kànìsà ǒ, ndirò Yèsù Krístò-nyùtsì, kóró rùgànda ǒ, ndirò dhòdhóhónganà. Àmìnà.

4

Atdí ale-ngbò tí ka kí'ì Krístò-nyùtsì dhu

(Ròm 12.4-8; 1Kò 12.4-31; Kòl 3.12-14)

¹ Nírò ìma, yà imbitále tí ma mí'ì, Ádrùngbǎle-kàsù ònzi ma márí dhu-okú dò rò rò, ma mìtè nyí ìtè tí, nyí, yà Kàgàwà únzi nyí rò, nyí nyàkǎ nyòkò ndi anzita nà àkǎ ófò ǒ. ² Nyí nyàkǎ nyí'ì yorowà t'ále tí atdíǒ, ìyò aróko ale tí, ndirò dhu-dzi òndù arí ale tí. Nyí nyàkǎ nyòndù dzikù nzínzikù ǒ àzè ǒ. ³ Nyí nyàkǎ nyònzì obi atdíǒ, nyòdò yà ìlìlǎ-Alafí ábhù fùkù màrùngà-otù ǒ atdínga. ⁴ Obhó tí, ale-ngbò rǐ'ì atdí tí, ndirò ìlìlǎ-Alafí rǐ'ì atdí tí. Ndi dhu bhèyi tí, Kàgàwà únzi nyí fíndà ndíní

nyĩ nyabá tí dhu rĩ̀i atdí tí. ⁵ Ádrùngbǎle rĩ̀i atdí tí, a'uta rĩ̀i atdí tí, bàtizò rĩ̀i atdí tí, ⁶ Kàgàwà rĩ̀i atdí tí. Ka ní kóró ale t'Ábanà. Kõnyù idzi kóró ale dõ, Kǎrí kasu ònzi kóró ale-otù õ, ndirò Kǎràdi kóró ale-nyutsi.

⁷ Pbétù ìngbàtí ìli ndi ale mà àlě nzinzi õ náabà àkǎkǎ perè, àdhàdhi yà Krístò náabhù ka fìndà ònà mùgèrè õ.

⁸ Ìlǎlǎ Andítá rǎtina:

«Kĩtdègu ùpo òrù,

ní kǔgu imbi ò ka kúsò ale ndàrà nà fóná,

ndirò kùbhò perè ìndrù tò*.»

⁹ Nírò, yàrí òtè: «kùpò òrù-tì» ní àdhu? Kà-tì ní, kà rifo pé angyi yà adzi dõ, ndàdù òtsù kà-tsi nyù. ¹⁰ Wò ndi ìfifò ale ní ndi wò ùpùpò òrù nyù, ròsè òrù-akpà dònǎ, ndíní ndi ndonyu tí idzi yà adzi mà òrù-akpà mànà dõ.

¹¹ Àbadhi ní ndi àkǎkǎ perè nubhò ìndrù tò. Atdídhená ale tò kǎbhù ní uvitatále tí i ale rĩ̀i ní perè, ngùkpà ale tò kǎbhù ní pbànábi tí i ale rĩ̀i ní perè. Ngùkpà ale-tsí tò kǎbhù ní Ídzi Màkùrù t'únòtatále tí i ale rĩ̀i ní perè, ndirò ngùkpà ale tò kǎbhù ní Kàgàwà bhà ale t'úndatátale mà màlímó mànà tí abádhí rĩ̀i ní perè.

¹² Àbadhi náanzì dhu ndi dhu bhèyi, ndíní Kàgàwà bhà ale-nyèti nohú tí angyangyi Kàgàwà bhà kasu tò. Kǎnzì ndi dhu, ndíní Krístò-ngbò nòsí tí. ¹³ Ndi dhu bhèyi ní ndi, àlě'ì kóró àlě kádù àlě òtù atdínga õ àlě tó a'uta-otù õ, àlě ràdù Kàgàwà t'Ídhùnà ùni atdídõ. Ndirò, àlě kádù ò'ò a'uta õ, àlě ròwù ùvò Krístò bhà àkǎkǎ ófò tó mùgèrè nyù õ. ¹⁴ Ní, àlě kí nzì òko tdít-dõ nzónzo tó ófò õ, yà ìndrù ùtrǎ rí fiyó utrátá tó màgèzi ní rùwí atdídhená ale rùdhèna dhu ràmbe àlě ùmbà dõ akye. ¹⁵ Pbétù, àlě kapé àmbe obhó dhu núnò dõ ìndrù tò àzè õ, ní àlě kádù ò'ò kóró dhu õ, ràrà àhu yà àlě-dò tí arĩ̀i Krístò bhà ófò

* 4:8 4.8 Zàb 68.19

ò àlě kówu ùvò dhu ò. ¹⁶ Kòtù ǒ nga ní ndì, alɛ-ngbò-rǒngá-nzo kóró núpǎ ì 'òkò atdíkpá 'ìdzò, yà ì únzì ì dhu bhěyi. Ní, ìngbàtí ílì ndì alɛ-ngbò-rǒngá-ngba mà náapé kàsùna ònzì àkāká dhu bhěyi, ní alɛ-ngbò kóró rǎdù òvi, ndàdù àmbɛ ndòsì dǒ ndìtírò àzè ǒ.

*Ípìrǒngá-òwútá nà pbàkrístò rǐrǐ Krístò-nyutsì dhu
(Gàl 5.16-25; Kòl 3.1-13; 1Yù 3.16-18; 4.7-11)*

¹⁷ Nírò, ma mí dhu òvò fùkù atdyúdu nyú nà àlě tó Ádrùngbǎle-òvò rǒ: nyǐ nyàkǎ nzá nyòkò tdítǒ ìnzá Kàgàwà núnì alɛ bhěyi. Í alɛ ní kǎkǎ kòkórònga tó fíyó ìrèta dǒ tí aríko alɛ, ¹⁸ ndírò, abádhí tó ìrèta náarí nzǐ dhu àlǔ. Í alɛ rǐrǐ mbǎ yà Kàgàwà aríbhona ípìrǒngá nà nyuyatsì, abádhí únì nzá atdí dhu mà, ndírò abádhí ní dòya ìdzò alɛ dhu-okú dò rò. ¹⁹ Abádhí-nyì náarí nzǐ ìwù akɛkpá màtí, ndírò abádhí ádzi wà ì 'àmbɛ nzéɛ dhu ònzì dǒ, 'àdù àmbɛ Kàgàwà-nyìkpó ǒ ótì dhu ònzì dǒ, ìmbǎ tsùya ùtò rí atdí dhu mà rǐrǐ rórò.

²⁰ Pbétù, ìnzì ní wò dhu bhěyi nga ndì ka kúdhe dhu fùkù Krístò-okú dò rò nǐ! ²¹ Obhó tí, nyǐ nyírì wà kà dǒ màkùrù. Ní ka kúdhe wà Yèsù-nyutsì arǐrǐ obhónga fùkù. ²² Nírò, nyǐ nyàkǎ nyàwà wò angyi nyǐ nyí'ì nà fùkù ófò itse nyú, wò angyi nyǐ nyí'ì nà ófò-ayí, wò nyùnda arí nyòwù igi, ndàdù nyítsu ìndrù àbhù rí rìnza ì utrátá tó dhu-atdyú ò. ²³ Dhu àkǎ nyùgèrè nyǐ dòtsí, nyòngò ìndrù-òwútá tí afíku ònǎ rò, ndírò fùkù ìrèta ònǎ rò. ²⁴ Nyǐ nyàkǎ nyí'ì òwútána tó ófò nà. Ndi ófò ní yà Kàgàwà bhà woyò rǒ ka kanzè ófò. Obhónga ní ndì ófò-òwútá ùnda rí, rìtè obhónanga tó ípìrǒngá, ndírò Kàgàwà-nyìkpó ǒ ílǎ ípìrǒngá.

²⁵ Ní ndì dhu-okú dò rò, nyùbhà tìtò t'únòta! ìngbàtí ílì ndì alɛ mà nákǎ ndùnò obhó dhu òdhìnà tò, àlě'ì kóró,

àĚ ní atdí ale-ngbò-rõnga dhu-okú dò rò. ²⁶ Dhu apé ì'í nyí nyàkò dhu tí, ní nyí nyàkă nzá nyòtsù nzéřnga ò. Adyifò àkănà nzá ndàrà òtsù ngòmà ò, inzá afíkũ ò nàwí nápè ìku rórò. ²⁷ Nyí nyàkă nzá nyũbhà ngari Pfòmvo Sitanì tò. ²⁸ Ogbo ònzì rǒ úbhì ale, nákă nzá ndònzì ogbo tdítđ, pbétù, kàkă ndònzì kasũ òtsúna nyú nǐ, ndínǐ ndì ndabá tí dhu òtdì ndì rǒyá ale-dzùnà ònzì ndì ndádù nǐ dhu. ²⁹ Nzéře òte àkă nzá ndàhũ likũ ò rò, pbétù, nyí nyàkă nyòwù ùnònà rǒ ní ídzi òte kèlĚ, yà ìndrũ-dzùnà ònzì rádù ndòsì ngũkpà ale, ndàdù ídzinga ìbhò yà ndì òte ìrì rí ale tò. ³⁰ Nyí nyàkă nzá nyăbhũ izũ rũka Kàgàwà bhà ìlĚlă-Alafí. Obhó tí, ìlĚlă-Alafí ní ize, yà nyũkũtsi Kàgàwà ìli, ndínǐ ongó tí dhu ìè křangba nyí rărǐ pbìndà ale, ràrà àhũ Kàgàwà rǐ nyũwũ dòtsí nzéře dhu ò rò òná idho ò. ³¹ Nyí nyàkă nzá nyòdò rũkú ka kònzì nzéře dhu afíkũ ò. Nyí nyàkă nzá ùkú nga rìwà ndì, ndirò nyí nyàkă nzá nyònzì nàwí. Nyí nyàkă nzá nyăngburũ nzínzikũ ò, nyí nyàkă nzá nyũnò dhu ìndrũ nǐ, ndirò nyí nyàkă nyòdò nyí kóró nzéře dhu-tidò rǒ rò. ³² Nyí nyàkă nyònzì ídzinga fũkũ, nyădù ì'í àzè nà nzínzikũ ò. Nyí nyàkă nyũbà dhu fũkũ, àdhàdhì Kàgàwà nũbà dhu fũkũ Krístò-nyũtsì dhu bhěyi.

5

Awáwù ò ka kóko dhu

¹ Nyí ní Kàgàwà bhà nzónzo, yà atdíđ kòzè ale. Ní, nyí nyàkă nyòkò kàbhà ófò ò. ² Nyí nyàkă nyòzè nyí nzínzikũ ò, àdhàdhì Krístò náazè àĚ dhu bhěyi: Kàzè àĚ, ndàdù pbìndà ípìrõnga àdzi òve tò àĚ-okú dò rò, rǐ'í pèrè tí ndirò rǐ'í kàzũ ò ka kòbì ìzǎ tó pèrè yà mběyi róngũ ndrùù, ràdù Kàgàwà-nyìkpó òfò tí.

³ Nyǐ ní Kàgàwà bhà ale. Ní m̀nyò̀nì t'ònzita mà, Kàgàwà-nyìkpó ǒ ó̀tì kóró dhu mà, ngàtsi ale-fó rǐ̀i dhu-atdyú òho ka kǐ dhu mà̀nà nákǎ nzá ndìrì ndì nzínzìkù ǒ. ⁴ Ndirò, nzéɛ ɔ̀tɛ nó̀tɛ ka kǐ ìndrũ nǐ̀ dhu mà, ìmbǎ tǐya nà ɔ̀tɛ nó̀tɛ ka kǐ dhu mà, ndirò nzéɛ zèze mà, nákǎ nzá ndìrì ndì nzínzìkù ǒ. Pbé̀tù àkǎkǎ dhu ní kadu ò̀tsò Kàgàwà tò. ⁵ Obhó tí, nyǐ nyàkǎ nyũ̀ni dhu ní: m̀nyò̀nì ò̀nzi arí ale mà, Kàgàwà-nyìkpó ǒ rǐ̀ ìndrũ àbhũ̀ rò̀tì ngũ̀kpà dhu ò̀nzi arí ale mà, ndirò kóró dhu-atdyú òho arí rǐ̀i f̀f̀ndà tí ale mà ní rokoya nzǐ atdí dhu-kàmǎ mà̀tì Kàgàwà bhà, ndirò Krístò bhà Idzi ǒ. Obhó tí, kóró dhu-atdyú òho arí rǐ̀i f̀f̀ndà tí ale rǐ̀i àdhàdhì sànamù-ò̀nzǐ arí ndũ̀kǒ ale bhèyi.

⁶ Atdí ale mà nákǎ nzá ndù̀trǎ nyǐ ìmbǎ tǐya nà ɔ̀tɛ nǐ̀. Kòrǐ̀ nzéɛngà-tidò-okú dò rò ní ndì, Kàgàwà arí kǎkǎ ìnzǐ arí tsù̀nǎ dhu ìrì ale-ànyǎ nítdì pb̀indà nàwí-lú nǐ̀. ⁷ Nírò, nyǐ nyàkǎ nzá nyò̀wù nyǐrì rǒ kòrǐ̀ dhu bhèyi ale mà̀nà. ⁸ Angyi, nyǐ nyongónà òko ìnò ǒ, pbé̀tù kòmbí, yà Ádrũ̀ngbǎle mà̀nà nyǐ nyú̀ngbò nyǐ dhu-otù ǒ, nyǐ nyáróko awáwù ǒ. Ní nyǐ nyàkǎ nyò̀kò àdhàdhì awáwù ǒ nzónzo bhèyi. ⁹ Obhó tí, awáwù aródhina itse ní dhèdhèrò ìdzìngà-tidò mà, obhónánga mà, obhónaga mà̀nà. ¹⁰ Nyǐ nyàkǎ nyò̀wù ɔ̀bi ò̀nzǐ rǒ nyũ̀ni Ádrũ̀ngbǎle-nyìkpó nó̀fò rádù dhu. ¹¹ Nyǐ nyàkǎ nzá nyǐtsu nyǐ yà ìnzǎ nga nò̀fò ìnò tó m̀tso ò, pbé̀tù nyǐ nyàkǎ nyũ̀pfò kà-dǒnga kpangba. ¹² Obhó tí, wò ò̀dhũ̀ ò ìndrũ r̀ònzina dhu dǒ ka kó̀tɛ dhu náarí ale-nyì àbhũ̀ r̀iwù. ¹³ Pbé̀tù, d̀yá nga ka kùpfò kpangba kóró dhu rǎdù 'àla yà ì dhu nyú rǐ̀i dhu bhèyi. ¹⁴ Obhó tí, kóró dhu, yà awáwù ǒ rǐ̀i ní rǎdù ò̀ngo awáwù tí. Ndi dhu-okú dò rò ní ndì, ka kátina yà dhu bhèyi:
«Ívǎ nyi ìdho ò̀ rò, wò ò̀dhò nyi nyó̀dhò rò!

íngbè nyi, nyahu ɔvɛ-bvù rò,
ní, Krístò rǎdù nyìnú nga àwù.»

¹⁵ Nyí nyákǎ nyǎndà fùkú mùtsò mběyi. Nyí nyákǎ nzá nyòkò pbàdhómá bhěyi, pbétù nyí nyákǎ nyòkò àdhàdhì dhu-ǒnga t'òvòta núnì alɛ bhěyi. ¹⁶ Nyí nyákǎ nyǒnzì kasu mběyi yà nyí nyí'í nà kòmbí kàsúmì ǒ, kàrí idhò ní nzéɛ idhò nídhuní. ¹⁷ Ndi dhu-okú dò rò, nyí nyákǎ nzá nyí'í pbàdhómá tí, pbétù nyí nyákǎ nyùnì Ádrùngbǎle-afí òzè nyǒnzì dhu. ¹⁸ Nyí nyákǎ nzá nyòrì iwa nǐ, iwa òmvù ka kí korì nǐ dhu náarí indrù bhà ípirǒnga ìnzǎ nídhuní. Pbétù, nyí nyákǎ nyǎbhu ìlǐlǎ-Alafí rǐrǎ nyí. ¹⁹ Nzínziku ǒ nyí nyóɛ rò, nyí nyákǎ nyùnò dhu ní Zàburì ò rò ráhu dhu, ndírò nyí nyákǎ nyùyu yà ìlǐlǎ-Alafí àbhu nyǎmbe ùyùnà dǒ adyi. Nyí nyákǎ nyùyu adyi mà Zàburì mànà nyǎmbe Ádrùngbǎle nílè dǒ nǐ atdí afiku nà. ²⁰ Nyí nyákǎ nyǒngò òtsò àbhu bìlǐnganà Àba Kàgàwà tò kóró dhu-tsí dǒ, àlě tò Ádrùngbǎle Yèsù Krístò-ɔvò rǒ.

Vèbhále mà fíyó kpabhále mànà àkǎ 'òkò nzínziya ǒ tí dhu

(*Ǫpt* 2.21-24; *Kòl* 3.18-19; *1Pé* 3.1-7)

²¹ Nyí nyákǎ nyǒngò tsùkú dhu ìrì nzínziku ǒ, Krístò nyí nyí'í dhu-okú dò rò.

²² Nyí vèbhále, nyí nyákǎ nyí'í fùkú kpabhále-tsù dhu, Ádrùngbǎle Yèsù ózè dhu nyí nyǒnzì dhu tí. ²³ Obhó tí, kpatsìbhále ní pbìndà tsìbhále-dò, àdhàdhì Krístò narí Kànìsà-dò dhu bhěyi. Ndirò Krístò nyú ndítìrò ní Kànìsà tò ògùba, ndi Kànìsà rǎdù ì'í kà-ngbò. ²⁴ Vèbhále àkǎ ìrì fíyó kpabhále-tsù dhu kóró dhu ǒ màtí, àdhàdhì Kànìsà náarí Krístò-tsù dhu ìrì dhu bhěyi.

²⁵ Ndirò nyǎ kpabhálě, nyǎ nyàkǎ nyòzè fùkú vèbhále àdhàdhì Krístò òzè Kànìsà, ndàdù p̀b̀ìndà ípìr̀õnga nyú àbhu ndìtírò kà tò dhu bhěyi, ²⁶ ndínǎ ndì ndu'ò tí ka idha* nǎ ndirò òtěna nǎ rìlǎ Kàgàwà tò. ²⁷ Kǎzè ka ndínǎ Kànìsà náara tí àhu Yěsù nyú ndìtírò-ònzǎ ádr̀ungbǎnga tó awáwù ǒ, ìmbǎ atdí andrita nà m̀atí, ìmbǎ nyina r̀ò m̀ùs̀ingírí nà m̀atí, ndirò ìmbǎ atdí otsu nà m̀atí. Kǎzè ka r̀ì Kàgàwà-nyìkpó ǒ ìlǎ, ndirò ìmbǎ nzére dhu tí ka kózùna dhu r̀ì nyunatsì dhu tí. ²⁸ Ndì dhu bhěyi tí, kpabhále àkǎ 'òzè f̀yó vèbhále àdhàdhì ì òzè ngb̀õya nyú ìtírò dhu bhěyi. P̀b̀ìndà tsìbhále nòzè ale nòzè wà ndì ndì nyú tírò. ²⁹ Obhó tí, ngb̀õna nyú òndrò rí ndìtírò atdí ale mà r̀ì mbǎ. P̀b̀étù kà r̀ì kòngù, ndàdù òd̀òna mběyi, àdhàdhì Krístò náar̀õnzina ngb̀õna, Kànìsà r̀ò dhu bhěyi, ³⁰ àlě'ì ní kà-ngb̀ò-r̀õngá-nzo nídhumǎ. ³¹ Ìlǎ Andítá† ò ka kándì dhu kati: «Wò dhu-okú d̀ò r̀ò ní ndì, kpatsìbhále r̀õngo àbanà mà íyànà màna nùbhà, 'adù 'ùngbò p̀b̀ìndà tsìbhále nà, abádhí óyǒ r̀ò kórò ràdù òngo atdí ale-ngb̀ò tí* .» ³² Wò ndì Andítá-nyutsì ndì nórù obhó dhu ní ádr̀ungbǎ dhu nyú. P̀b̀étù ma mòtè d̀óná dhu ní Krístò mà Kànìsà nà nàndà dhu. ³³ Ní ndì dhu bhěyi tí, tikù ònǎ r̀ò átò, ìngbàtí ìlì ndì kpatsìbhále mà nákǎ ndòzè p̀b̀ìndà tsìbhále àdhàdhì yà ndì nyú ndì ndòzè ndì ndìtírò dhu bhěyi. Ndirò, ìngbàtí ìlì ndì tsìbhále mà, nákǎ ndìfu p̀b̀ìndà kpatsìbhále.

6

*Nzónzo mà ì nódhì ale màna nákǎ ì'ì nà nzínziya ǒ ìrita
(Uvt 27.16; Mbà 6.20; Kòl 3.20-21)*

* 5:26 5.26 idha r̀ìtèna dhu ní mbèmbè bàtizò àlù ka kí dhu.

† 5:31 5.31 ìlǎ Andítá tí kátina ní Ungbòta-ayí. * 5:31 5.31
Opt 2.24

¹ Nyǎ nǒnzǒ, nyǎ nyàkǎ nyǎrì nyǎ nódhì ale-tsǔ dhu Ádrùngbǎle Yēsù nǒzè ka dhu bhěyi. Obhó tí, wòrí ní ndi ìnga nǒfò dhu. ² «Dhu àkǎ nyífu àbanu mà íyǎnu màna.» Wòrí ní ndi idrè Hyátá nzínzi ǒ wemberè tó Hyátá, yà Kàgàwà ísè yàrí làkà dóná, ndàti: ³ «ndínǎ nyi nyǒnziya tí hirò, nyadù ábhǒ idho nyú nódhò yà adzi dǒ*.»

⁴ Ndirò nyǎ nǒnzò t'ábánǎ, nyǎ nyàkǎ nzá nyǒwù fùkú nǒnzò àbhu rǒ rǎkǒ. Pbéttù, nyǎ nyàkǎ nyívi abádhí, nyǎmbe nzére dhu òsò dǒ fíyò, nyǎdù òwu Ádrùngbǎle Yēsù ózè dhu nǒvò rǒ fíyò.

ino tí arí'ì ale mà fíyó ádròdrǒ ale màna náká ì'ì nà nzínziya ǒ irita

⁵ Nyǎ ino tí arí'ì alé, nyǎ nyàkǎ nyǎrì yà adzi ǒ fùkú ádròdrǒ ale-tsǔ dhu ádrùngbǎ ifuta nyú nà, obhóna tó afíku nà, àdhàdhì Krístò tò nyǎ nyí ndi kasu ònzi dhu bhěyi. ⁶ Nyǎ nyàkǎ nzá nyǎmbe kasu ònzi dǒ yà dükú nga àndà fùkú ádròdrǒ ale rǐ òná kàsùmì ǒ tí, ndínǎ abádhí-nyìkpó kèlě nǒfó tí. Àdhàdhì nyǎ ní Krístò bhà ino dhu bhěyi, nyǎ nyàkǎ nyǒnzi Kàgàwà-afí òzè dhu atdí afíku nyú nà. ⁷ Nyǎ nyàkǎ nyǒnzi fùkú ino-kàsù ídzi afíku nà, àdhàdhì Ádrùngbǎle Yēsù tò nyǎ nyí kasu ònzi dhu bhěyi, ìnzǐ ní ìndrù tò nyǎ nyí kǒnzi dhu bhěyi. ⁸ Nyǎ nyàkǎ nyǎni dhu ní, Ádrùngbǎle rubhòya perè ìngbatí ílí ndi ale mà tò, àdhàdhì ndi ale bhà ídzi kasu-bvu rǒ, ìmbǎ rì'ì dóná arí'ì ndìtírò ale màtí, ndirò ngǎtsi nǐ ino tí arí'ì ale màtí.

⁹ Ndirò nyǎ ino nà arí'ì ádròdrǒ alé, nyǎ nyàkǎ nyǒnzi dhu ndi dhu bhěyi tí fùkú ino rǒ. Nyǎ nyàkǎ nzá nyǎmbe àvu dǒ abádhí-rǒ. Ndirò nyǎ nyàkǎ nyǎni dhu, nyǎ nyú mà fùkú ino màna, nyǎ rarí'ì inè fùkú Ádrùngbǎle nà

* 6:3 6.3 Uvt 20.12; Tòr 5.16

atdí tí òrù-akpà ò. Ndi Ádrùngbàle ní ìnzí arí ìndrù-
 ònga òvò ale.

Kàgàwà bhà m̀ats̀m̀m̀

(Ròm 13.12; 1TÈ 5.8; 1PÉ 5.8-9)

¹⁰ Kà r̀iku d̀oná r̀ò n̄, nȳ nyàk̄ nyàbà f̀uk̀ú obi
 Ádrùngbàle Yèsù mànà nȳ nyúngbò nȳ dhu-nyutsi. Nȳ
 nyàk̄ nȳ'ì obi nà kàbhà ádrùngbànga tó obi-nyutsi.
¹¹ Nȳ nyàk̄ nȳf̄ò yà Kàgàwà úbho f̀uk̀ú m̀ats̀m̀m̀ kóró
 r̀uk̀ú, ndín̄ nȳ nyòdí tí pf̀ok̀u Pf̀omvo bhà nzéɛ
 màgèzi-ònz̄. ¹² Obhó tí, àě kárí nz̄ ìla ùgye yà adzi
 ò ale mànà. Pbé̀t̀ù, àě kárí kùgye nà ní òrù-akpà-nȳ
 r̄ò aróko nzéɛ-alafí mà, nzéɛ-alafí tó ádròdr̄ò ale mà,
 abádhí nzínzi ò ádròdr̄ònga tó obi nà arí'ì nzéɛ-alafí mà,
 ndirò yà ìnò tó adzi ò arí'ì ádròdr̄ò ale tí nzéɛ-alafí
 mànà. ¹³ Ní ndi dhu-okú d̀ò r̀ò kòmbí, nȳ nyàk̄ nyùgù
 Kàgàwà bhà kóró m̀ats̀m̀m̀. Ndi otu ò ní ndi, nȳ nȳ
 pf̀ok̀u òdì f̀uk̀ú òmvù-ònz̄ yà r̀írá nzéɛ idho ò, nyàd̀ù
 ìko pòtsó, ìla nȳ nyùgyè nyòwù ùtsànà dhu-dzidò.

¹⁴ Nírò, nyikò d̀òtsí nyòd̀ì pf̀ok̀u: nyisò mv̀uk̀u'ò
 obhónga n̄ kùkyè tí, nyàd̀ù obhónánga ùf̀ò odr̀uk̀u d̄ò
 látú tí. ¹⁵ Ndirò, nȳ nyàk̄ nȳf̄ò màr̀ungà tó Ídzi
 M̀ak̀ur̀ù t'únòta tó obi, kàyitò tí pf̀ok̀u r̄ò. ¹⁶ Ndirò
 kóró kàs̀m̀ì ò, nȳ nyàk̄ nyòd̀ò f̀uk̀ú a'uta, r̀ì'ì àdhàdhì
 ìva nȳ nyàl̀ù f̀uk̀ú dhu bh̄eyi, ndín̄ nȳ nyivé tí wò
 pf̀omvo bhà kàzu tó mbàra n̄ kóró. ¹⁷ Nȳ nyàk̄ nyàk̀o
 f̀uk̀ú ògù r̀ì'ì àdhàdhì ts̀m̀à tó kòpìlò nȳ nȳf̄ò d̀uk̀u
 r̄ò dhu bh̄eyi. Ndirò nȳ nyàk̄ nyàk̀o Kàgàwà bhà òte
 r̀ì'ì àdhàdhì yà ìl̀l̀à-Alafí ábh̀u f̀uk̀ú pangà bh̄eyi. ¹⁸ Nȳ
 nyàk̄ nȳtsò nȳ Kàgàwà r̄ò kóró kàs̀m̀ì ò, ìl̀l̀à-Alafí r̀ì
 nȳnda r̀òr̀ò. Nȳ nyàk̄ nȳtsò nȳ Kà-r̄ò, nyàd̀ù k̀it̀d̀è
 kóró óf̀ò ò. Ní ndi dhu-okú d̀ò r̀ò, nȳ nyàk̄ nyàbh̀u

nyìkpókũ ròtdyù, nyǎdù àmbɛ nyĩtsò dǒ Kàgàwà bhà ale dǒ kóró. ¹⁹ Nyĩ nyàkǎ nyĩtsò nyĩ dùdú átò, ndínĩ Kàgàwà ìlì tí unction àkǎ munò ɔte lidú. Ndi dhu bhěyi ní ndi, ma mǎdù àrà Ídzi Mǎkǔrù-nyuɔtsì ndi narù dhu nòvò rǒ ìndrù tò ìmbǎ ùdú ɔdó na. ²⁰ Ima ní Yěsù Krístò ívì ɔvòna rǒ ale, ìmbǎ dhu rǐĩ imbi-dzà ò ma míĩ kòmbí dhu màtí. Nírò, nyĩtsò nyĩ dùdú, ndínĩ ma mabá tí ɔbi, mɔtè ìmbǎ ùdú ɔdó na, àdhàdhì ma mǎkǎnà mɔtè dhu bhěyi.

Bhàru wà rǐku dóná rò ovita
(Kòl 4.7-9)

²¹ Dòkíkò, yà atdídǒ ma mózè adòdu, àkǎkǎ dhu bhěyi arí àlě tó Ádrùngbǎle Yěsù bhà kasu ònzi kóró kàsùmì ǒ kasutále, ní rǐ ndi pbàkà mǎkǔrù òvò fǔkù, ndínĩ nyĩ nyuɔni tí ìngbà ɔfò ǒ màtí ma míĩ dhu mà, ìngbà dhu bhěyi màtí ma mí dhu ònzi dhu mànà. ²² Ndi dhu-okú dò rò ní ndi, ma mòvì ka tikù ò, ndínĩ mǎ múda ònà dhu nɔvò tí fǔkù, ndàdù afíku àbhù ròtsi ɔbi.

²³ Àlě t'Ábanà Kàgàwà mà àlě tó Ádrùngbǎle Yěsù Krístò mànà nǎkǎ 'àbhù nyĩ, kóró adódu tírò, nyòkò màrùngà ǒ, àzè ǒ, ndírò a'uta mànà dhu ǒ. ²⁴ Kàgàwà bhà ìdzìnga nǎkǎ ndi yà àlě tó Ádrùngbǎle Yěsù Krístò nòzè ìnzĩ rádù ìku àzè nǐ ale nà kóró.

Ungbòta-ጋwá Tá Bhǔkù

Ndrǔna: Ungbòta-ጋwá Tá Bhǔkù New Testament

copyright © 2015 Wycliffe Bible Translators, Inc.

Language: Ndrǔna (Ngiti)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 30 Dec 2021 from source files dated 30 Nov 2021

abb6c630-aaf1-5647-8172-605215e8fe12